

PLEIDLEISIWCH DROS

CARMEN

#1 AM DL

ANNWYL GYNRYCHIDLYDD...

Fy enw i yw Carmen Smith ac rydw i am fod eich Dirprwy Lywydd nesaf. Rydw i wedi bod yn ymwneud â mudiad y myfyrwyr ers dwy flynedd bellach, ac mae'r ddwy flynedd yma wedi fy ysbrydoli. O fod yn Llywydd Undeb Myfyrwyr Grŵp Llandrillo-Menai (UMGLIM), yn cynrychioli tua 27,000 o fyfyrwyr, i gael fy ethol, a fy ail-ethol, yn aelod o PGC UCM Cymru mewn dwy Gynhadledd Maes yn olynol. Rydw i wedi cael taith gyffrous, o gynrychioli myfyrwyr AB a phrentisiaid yn UMGLIM, i fod yn fyfyrwr ym Mhrifysgol Bangor. Fel Dirprwy Lywydd, byddai gen i gryn brofiad mewn bod yn eiriol ar ran myfyrwyr oll, boed yn AU, AB neu gyda Phrentisiaid.



AMDDIFFYN YN ERBYN Y TORIADAU

Mae cyllidebau AB wedi cael eu torri'n ôl o 12% ers 2013. Nawr mae Cyngor Cyllido AU yn argymhell toriad o £41m. Roedd y gyllideb yn dynn i ddechrau, a'r peryg yw y caiff gwasanaethau sy'n hanfodol bwysig i fyfyrwyr eu cwtogi ymhellach. Gallai cyllido ar gyfer addysg gyfrwng Cymraeg drwy'r Coleg Cymraeg Cenedlaethol a'r ddarpariaeth addysg ran amser, sy'n aml yn cynnig cyfleoedd astudio i rieni ac i ofalwyr, gael eu heffeithio. Mae adnoddau ar gyfer cyrsiau drud megis deintyddiaeth, meddygaeth a'r celfyddydau creadigol, a gwasanaethau sydd wedi'u hanelu at fyfyrwyr, hefyd yn wynebu'r un toriadau llym. Mae angen buddsoddiad yn addysg ôl-16, ac mae angen ei hamddiffyn, yn hytrach na chau'r drws yn wyneb yr holl bobl sydd â gobaith o lwyddo.

Fel Dirprwy Lywydd, byddaf yn:

- Ymgychu yn erbyn y toriadau drwy ymgysylltu â'r Cynulliad Cenedlaethol a San Steffan
- Lobio mewn ymateb i unrhyw ddatblygiadau o ran y toriadau hyn, a chydabod y meysydd pwysicaf sydd angen eu hamddiffyn.

PRENTISIAID

Ar ôl dilyn a chefnogi datblygiad CGPC, dwi'n falch o ddweud i mi gyflwyno a siarad ar gynnig yn y Gynhadledd llynedd, a oedd yn galw am gyf-ethol aelod o CGPC i PGC UCM. Mae'n wych o beth fod gan UCM Cymru bellach gynrychiolaeth ar gyfer llais prentisiaid o fewn i'w strwythurau. Serch hynny, mae angen gwneud mwy er mwyn i'r mudiad gynnwys prentisiaid yn well.

Fel Dirprwy Lywydd, byddaf yn:

- Brwydro dros sicrhau bod CGPC yn cael yr un hawliau ag aelodau cyfansoddiadol eraill
- Byddaf hefyd yn helpu CGPC i dyfu a datblygu, gydag ymwybyddiaeth o'u agenda.

“Dwi'n cefnogi Carmen oherwydd fy mod i'n credu ei bod hi'n berffaith ar gyfer y rôl. Mae ei brwdfrydedd a'i dyfalbarhad dros wella byd myfyrwyr yn ddiguro. Dwi'n creu ei bod hi'n gallu gwneud cryn lawer o les i bawb, a dyna pam fy mod i'n dewis cefnogi Carmen.

ALEX ROLLASON, CGPC A CHOLEG CAMBRIA



OS HOFFECH CHI GAEL Y MANIFESTO HWN MEWN FFORMAT AMGEN, NEU OS OES GENNYCH CHI UNRHYW GWESTIYNAU, MAE CROESO I CHI GYSYLLTU A FI

“ Mae'r gwaith mae hi wedi'i wneud fel Llywydd ei choleg a nawr yn y Brifysgol yn ysbrydoliaeth i ni i gyd. Dydy hi ddim cael ei tharfu gan heriau ac mae'n ymgymryd â phob prosiect newydd â brwdfrydedd. Allwn i ddim bod yn falchach o gael cefnogi dynes mor eithriadol i fod yn olynydd i mi. Does neb y byddai gen i fwy o ffydd ynddynt i dyfu rôl y Dirprwy a symud gwaith UCM Cymru ymlaen i uchelfannau newydd. Dyna pam fy mod i'n pleidleisio drosti hi #1 am Ddirprwy Lywydd

EBBI FERGUSON, DIRPRWY LYWYDD UCM CYMRU



ADDYSG HYGIRCH A CHEFNOGOL I RIENI A GOFALWYR

Mae cymaint o unigolion sydd â'r potensial i lwyddo'n cael eu hallgau rhag addysg. Yn aml, ni all Rhieni na Gofalwyr gael mynediad i addysg neu symud ymlaen o fewn y system, gan eu bod yn gaeth i amserlenni cyffredin, a all olygu darlith sy'n digwydd pan fydd eu plant yn dychwelyd o'r ysgol neu pan mae'n amser iddynt baratoi pryd o fwyd i rywun maent yn gofalu amdanynt. Roeddwn i'n fyfyrwr â chyfrifoldebau gofalu pan oeddwn yn y coleg, ac mae gen i brofiad o'r rhwystrau dyddiol sy'n gallu gwneud ennill cymhwyster yn her anodd. Gan gadw fy mhrofiad mewn cof, rydw i am fynd i'r afael â'r problemau hyn a wynebwr gan rieni a gofalwyr fel ei gilydd, drwy sicrhau bod y sector addysg yng Nghymru'r deall cyfrifoldebau myfyrwyr o'r fath.

Fel Dirprwy Lywydd, byddaf yn:

- Gweithio gydag UMaU a mudiadau allanol i wella profiad myfyrwyr sy'n rhieni neu'n ofalwyr
- Byddaf hefyd yn adolygu sut i wneud ein strwythurau gynrychioli rhieni a gofalwyr yn well, ac yn lobio'r Llywodraeth i wella'r ddarpariaeth ar gyfer cyrsiau rhan amser ac i amddiffyn y cyllido sydd ar gael ar gyfer cyrsiau o'r fath.

CYRAEDDIADAU

Seneddw'r Cyffredinol yn Undeb Myfyrwyr Bangor (2015 i'r presennol)
Cynrychiolydd i Gynhadledd UCM DU (2015 a 2016)
Llywydd Undeb Myfyrwyr Grŵp Llandrillo-Menai (2014-2015)
Aelod o PGC UCM Cymru (2014 i'r presennol)
Enillydd Gwobr Ymgyrchoedd UCM DU
Enillydd Cyllid o £10,000 ar gyfer Cofrestru Pleidleiswyr gan Swyddfa'r Cabinet
Ail yng Ngwobr Ymgyrchoedd UCM Cymru
Ail yng Ngwobr Cyfleoedd Myfyrwyr UCM Cymru

MAE'R BRYD DATBLYGU UNDEBAU YNG NGHYMRU

Gan fod gen i brofiad o fod yn swyddog AB rhan amser, rydw i'n deall yr anawsterau sydd ynghlwm wrth gydbwysu gofynion astudio a swydd sy'n gofyn am lawer o ymrwymiad. Er fy mod i'n ddigon ffodus i berthyn i Undeb Myfyrwyr AB lle roedd swyddogion yn cael eu talu rhan amser, byddwn yn aml iawn yn mynd dros y 10 awr yn fy nghytundeb, a doedd hynny hyd yn oed ddim yn ddigon. O siarad â swyddogion AB o'r gorffennol a'r presennol ledled Cymru, y rhan fwyaf ohonynt yn ddi-dâl a phrin o gefnogaeth, mae hwn yn deimlad digon cyffredin. Mae partneriaethau a chydweithredu rhwng undebau AU ac AB yn ffordd ardderchog o ddangos undod a nerth o fewn y sector addysg yn ei chyfarwydd. Rhown derfyn ar y gystadleuaeth rhwng AB ac AU; y nod yw cael undebau'n datblygu ac yn ymgyrchu gyda'i gilydd dros well mudiad myfyrwyr. Mae'n bwysig sicrhau bod gwerthoedd UCM Cymru yn parhau i fod yn seiliedig ar gynnal ymgyrchoedd rhyddhad yn ein hundebau.

Fel Dirprwy Lywydd, byddaf yn:

- Creu a gweithredu cynllun datblygiad strategol ar gyfer undebau AB, drwy ymgynghori â swyddogion, a lobio colegau am fwy o gefnogaeth a chyllido ar gyfer eu hundebau.
- Byddaf hefyd yn cynnal partneriaethau rhwng undebau AB ac AU ar gyfer cydweithredu cyffrous, a chynnig cefnogaeth i ymgyrchoedd rhyddhad gan roi blaenoriaeth iddynt yng ngweithgareddau ein mudiad.

“ Carmen yw un o'r ymgyrchwyr mwyaf brwd a gweithgar dwi erioed wedi ei chyfarfod, a dwi'n rhyfeddu at y gwaith anhygoel mae hi'n ei wneud. Hi yw'r unig ymgeisydd sy'n deall profiadau ac anawsterau myfyrwyr coleg a myfyrwyr prifysgol, a dwi'n gwybod fod ganddi'r egni a'r weledigaeth i ennill dros Gymru yn ystod y flywyddyn nesaf. Mae'n ddynes anhygoel ac ni allwn deimlo'n fwy cyffrous ynglŷn â phleidleisio Carmen #1 am Ddirprwy Lywydd.

ROSIE INMAN, SWYDDOG MENYWOD UCM CYMRU

